

**Muaku wa mulombodi mukulu wa CA wa FRPC mu dituku disatu dia ngondo muitanu wa tshidimu tshia 2020, dituku dia budikadidi bua kamona kamba ni tshisanji**

- Bana betu ba kamona kamba balume ni bakaji
- Bananga bena bisanji

Dituku disatu dia ngondo muitanu wa tshidimu tshonsu, buloba bujima butu busankidila dituku dia bukadidi bua tumona tuamba.

Munudi bamanya, budikadidi ebu m, buangata muji wabu mu mukenji munene udibu babikila ni declaration universelle de droits de l'homme mu kanungu kenda ka dikumi ne tshitema kadi kamba ne: muntu yonso udi ne buneme bua budikadidi bua majinga ni miaku, bidi bibueja kabidi buneme bua kubenga kutshishibua bua meyi macula pa bualu kampanda peshi pa bukebikibi, bua kuakidila anyi kutangalaja, kakuyi mikalu, ngumu ni ngenyi kupitshila mu mishindu ya ngakuilu yonso

Ditunga dietu dia Kongo bu matunga makuabu a mu buloba, n'ditaba bua kutupesha bunema ebu mu mukana munena wa mikenji anyi constitution mu nfulansa mu kanungu kenda ka makumi abidi ni inayi.

Kadi , bikengela kuleja ni katsha ku bidimu tshinunu nkama tshitema makumi tshitema ni isambombo, mukenji udi ujadika ngenzeli wa madikadidi aa mu kongo wa mungalata kautshena ukumbanangana ni malu a lelu to.

- Bana betu ba kamona kamba balume ni bakaji
- Bananga bena bisanji

Tshidimu etshi tsha 2020, tshidimu tshi bienzedi mu RDC, kadi tshitatshishibua bikole kudi disama dia corona virus, tudi tusankidila dituku dia budikadidi edi mu tshena bualu: Bu kamona kamba kabuyi boya, kabuyi bienzedi bia disankishangana

Tshena bualu etshi tshidi tshikumbanangana bimpa ni malu a mu ditunga dietu ne tshidi tshijadika menamena, diumvuangana didi mu malongolodi mashilashilangana adi aluangana bua budikadidi bua tumona tuamba bumudi: JED, UNPC ni RSF bilondeshila budikadidi bua tumona tuamba mu RDC

Bidi bimueneka bimpa lelu ne bukamona kamba budi butatsishibua bikola ku mikanu ya mishindu ni mishindu ifumina nangananga kudi bena tshididi badi basua kutshingisha bena bisanji ni kupangisha bamona kamba mushindu wa kueza mudimu wabu mu budikadidi bonso, lunga luseka ba muena muabu aba mbakeba se bena bisanji balukila ku malu a kala a kuikala kuitaba anu bidibu bobo bamba bumuvu mubukalenga bua kuakudi ni n'kumina kajima. Kusambila bantu.

Malu onso aa masanga adi atuma ku ngenzeli mubi wa mudimu udi ufikisha tumona tuamba ku difila ngumu ya mafi ni bidi binyanga mushinga wa mudimu wetu ni nzubu yetu ya midimu.

- Bana betu ba kamona kamba balume ni bakaji
- Bananga bena bisanji

Tudi basomba mu musoko udi ngumu ifidibua buloba bujima musangu umua.

Bikala lumu luleja anu bunyi bua bantu badi bisama anyi badi bafua ku covid19,bunyi bua nzubu idi mishimbuka ku mvula ni bipepela, bunyi bua bantu badibu batapa ku miela kudi ba ntomboji, mbombo ya ndola idibu biba,bunyi bua bana ba ni ndilu mubi, tuulu tudi tumbuka mu njanja, njila idi minyanguka, bunyi bua bakaji badibu bangata ku bukola ni bikuabu,bidi bifila anu bowa kudi balondi ba bisanji.

Kadi padi lumu lubulula mpala wa luibaku wa ngenzeli wa bantu lunganyi lua bufuki ne malu mapiamapia,ki bualu budi ni tshiabua kubanga kuenzeka, bualu tshilumbu tshionso ni lutatu lunso ni bijula baluma, bakaji ni bansonga kuulu bua kupetabu diandamuna.

Malu onso adibu benza owu mamanyika bisanji bidi bua kuenza mudimu wa kufila dijinga dia kuenza kudi bakuabu, kukeba tshisalu ne kufila ditekemena kudi bantu babunyi.

Kibualu kayi lelu, tshisumbu tshia bisanji tsha FRPC ni bisanji bionso bia pabuipi ni bantu badi bajinga kuikala kumpala mvita ya kubandisha bu kamona kamba bua dishintulula, bua muena muabu,bua bukebikabi,bua mandamuna ne bua ditekemena bilondeshelangana ni maalua nsombelu, a lupetu ne tshididi tshia ditunga dietu.

Ngenzeli eu kubangi kuinshi, ni ikala mushindu buetutuwa kuenza diumvuangana pankatshi pa bisanji ni bena muabu, nangananga kuluangana ni ngumu ya dishima idi mikala mvita minene ya ba kamona kamba.

Nunku, ndi musua kubikila bisanji bionso bia ditunga dietu bia pabuipi ni bena muabu, bisangisha munda mua FRPC basankidila dituku edi bualu n'dietu, mu kuenza miyuki ku bisanji bua kuela menji pa bia kuenza bua kuimanyina mikaka ni mvita yonso idi pa mutu wa kamona kamba ne budikadidi bua bisanji bietu

Dituku edi n'jila wa kubuelela wa pabuenda bua bisanji bionso bia pa mpenga mpenga bia kongo bia bimenga bionso makumi abidi ne bisambombo bua kuleja biluulu biabu ni kuakuila nkonko eyi:

- Njiwu ya bisanji na dipanga difila dia bibawu
- Budikadidi bua bisanji ni bua ba kamona kamba
- Buikadi bua baluma ni bakaji mu bisanji

Bua bidi bitangila dilambua dia kamona kamba, bukalenga bua ku mpuila mambu nansha pa mpenga bulama bena kongo bonso kadi nangananga ba kamona kamba , bikengela ni bobo bina badilama bikole mu kunemeka kua meyi ni mikandu ya mudimu wabu nangananga mu tshikondo tshia ntatu ni dibenga diumvuanga bumudibu baleja kudi JED ni RSF

Bua bidi bitangila budikadidi bua bisanji ni ba kamona kamba, bikengela kuvuluija ni budikadidi,budilekelela, bulelela ni tshibunyi kibidi bileja menamene luidi lua bisanji bietu bia pabuipi ni bantu bu mudibu baleja mu mukanda munena wa FRPC.

Bisanji bietu bidi bikadile, bilekelela, bishintulula biena bualu bienza ni bantu bonso ni mbia tshibunyi ni bidi bileja nsombelu ni ngenzeli wa muluma ni mukaji

Biumvika bimpa ni bisanji bidikadila kibidi biludoka dilombola diaka ni mikenji ya ditunga.

Ku lunga luseka,bisanji bidikadila bidi biangata bukola kudi bena muabu badibi bienzela mudimu ni biobio pabi bidi bifila bukole kudi bena muabu bua kuikalabu bambuluishi mu malu a mungalata. Kimudibi ni m'momu bua bisanji bionso bidi munda mua FRPC.

Ki luidi elu mudi FRPC wangata dipangadikala mbua nsetedi ni tshikuma mbila wa kamona kamba kakayi bowa bua budikadidi ni diakula didilekelela mu mungalata

Nanku budikadidi ebu budi bukengela :

- Mikenji mimpa bua bisanji bia tshibunyi
- Dikuatshisha dia bukalinga bua tshididi
- Mikenji idi ifila ku ngumu milelela
- Bolondi ba ngumu badi ne dimanya dikumbana bua kujomona ne kufila nganyi bilondeshilangana ne ngumu bua mioyi yabu ni kufila bujitu ni bidikadidi kudi bisanji

Bikengela bienzeka nanku bua bisanji biangata muaba wabi wa bukalinga buinayibu muvu mfumu wa ditunga Felix Antoine Tshisekedi Tshilombo mujinga dituku diakangatayi bukalinga

Ki bualu kayi,katuena tujinga kujikija muaku wetu, katuyi bambila meyi a bujitu kudi tshimamuenda wa bukalinga:

- Dilongolola dia mukenji wa ngenzeli budilekelela bua bisanji mu RDC, uvua benza katsha ku 1996
- Dimanyibua ku mbulamatadi dia bisanji bietu pabuipe babilondi
- Dipatula dia mukenji wa bupetshi bua ngumu
- Difutshila dia bisanji batadi bikuabu kudi mbulamatadi bilondeshalangna ne mudimu udibi bienza
- Kufila tshipolo tshia diumbusha bitadi bionso bilondeshila mvita mikola idi bisanji nayi mu tshikondo esthi tshia Covid19
- Kudi bambuluishi mu bisanji ni mpetu, batungunuka kutuambuluisha ni mamanya a mishindu yonso nansha mudi ditunga dinena
- Kudi tshimamuenda wa wukalinga ni bena muabu bonso,kuatshishayi kamona kamba kadikadila bualu kinza ni bisanji bilu bulelela bukalinga buinayi bua se yeya ni tshisanji benza mudimu kakuyi bowa nansha ditshina. Nzubu yabu ya difundila mu diangata dia mapabgadika bua buimpa bua bantu bonso
- Bana betu ba kamona kamba balume ni bakaji
- Bananga bena bisanji

Bisanji bidikale bidi ne mushinga diba dionso kadi nangananga diba dia maalu, biyola, masama bumudi lelu eu. Mu tshikondo tshitudi bonso tukeba ngumu, tshikondo tshidi kamona kamba kalelela kasungula ngumu ya kuambila bantu ni kafila mibelu miakana. Bualu kakuena tshiyola tshidi bua kujika kakuyi ngumu mienza bimpa to. Bantu bonso, balombodi nangananga mapangadika adibu bangata adi a lufu anyi a moyi bikengela ikala ni nshindamenu pa malu ni bipeta bia mamanya mashilashilangana. Bidi bia mushinga ni lukasa bua bukalinga bua ditunga bua kuambuluisha ba kamona kamba ni bisanji bua bafila ngumu ya disama dia covid19 mu mushindu udi ukumana ni kuimanyika biambamba bia bantu bua se kundekelu tukokeshwa disama edi. Tuasakidila wa manza tenta kudi batuambuluishi bonso mu

bisanji nansha mu mpetu bakadi bambuluisha bisanji kampanda munkatshi muetu mu dienza ni dipitshisha ndongamu kampanda padi bitangila coronavirus. Nanku Internews, Unicef , RFI Planète Radio et Free Press unlimited ni bakuabu bapeta tuasanka ni tuasakidila.

Bonso pamua tujukayi tusankidila dituku dia budikadidi bua kamonakamba bua buloba bujima ni tuambayi bonso eee ku bukamonakamba kayi bowa nasha ditshina mu bisanji bionso bia pabuipi netu mu RDC!

Tuasakilayi

**Modeste SHABANI BIN SUENI**

**Président du Conseil D'Administration**

**FRPC**